

海嶽山房存稿詩卷三目錄

詩部

七言律

排律附

八十五首



立春日同葉化甫明府遊清源洞

寄舊令張公時以南儀郎使楚

懷族兄江北山人

新安旅懷兼別胡大

五日聞歌採蓮感賦

寇退鄉人回口占代書



卽事爲戚元敬將軍賦二首

送延平游司寇公赴召

七夕淮陽別大司徒馬公

壽南司馬豐城李公

送王將軍北征

送朱都閩北征兼訊都護戚公

同王仲房宿塞外戍樓

同王仲房遊塞外贈別

王邦學詣闕受秩督府南歸贈之

酬林養素先生

登太白樓下有南池云杜陵舊遊

重過采石懷古

阻風瓜步

過釣臺

同金都閩登鼓山因其有懷次韻二首

芋江戚都護席次別汪中丞伯玉先生

之金陵至建州寄懷諸子

薊丘登高寄訊戚元敬都護兼呈盧龍漁



詩卷三  
陽二部刺史

重陽前舟次別譚永明山人歸羅浮約會  
都門

移家歸至馬江

先子忌辰感懷黃眉山墳

吾宗

寧德重陷志感

送馮節推赴召

塗中丞南征

訊俞都護獄中

七夕寄懷二首

重陽志喜

秋初登京邸

登金山讀唐詩漫題

登聊城光岳樓

績溪別胡四

度績溪輦嶺望鄉

中秋涇縣



旌德曉行

同莆陽陳生登報恩寺塔賦贈

送族兄之杭州

同陳汝大過王汝存飲得金字

謁忠烈祠分咏四首

送韓大行奉使冊封因歸壽母

逢越客自武夷游燕賦贈

鎮東城樓觀海述懷

塞上憶瑞岩寄置山庄

登延平玉皇閣眺郡城

寄壽戚元敬少保于蓬萊

張都護還朝

送葉國羽侍任山東

永平郡守孫公覲回五十初度公由南臺

出守

李山人入都聞子計歸粵

送江大夫左遷鄖陽丞

中秋同顧季狂沈嘉則飲武夷掛鏡臺



題東岡葡萄畝壽張都護

寄陳本中將軍

蓮心館卽事東陳季立二首

陳季立林大捷出塞二首

初歸攜子姪登高瑞巖

東馬季聲追憶先師恭敏公

悼馬用昭叔華兼訊其二孤

燕子磯

薊部刺史于子冲游宛在亭以予寓纂燕

乘枉詩却寄

歸舍答沈縉伯贈別之作

送薛國子寧親其先大叅嘗爲中舍

送楊節推之武昌

邢都閫自薊移中州余時亦南還

楊彥章年十七自國學寧親其先大夫領

鄉元爲博士因其歸有感

自清源逢劉甥聞荐同舟至震澤先歸省

覲附家報



別張去華歸雲間覲母志感

葉龍潭夫子引林宗見嗟奉謝

寶坻朝霞寺陪餞沈性甫赴召歸過高叅

軍山庄

到舍志喜寄答諸沈贈別之作

排律

城樓觀漲

海嶽山房存稿詩卷三

福唐郭造卿建初著

穀城于慎行無垢選

同邑葉向高進卿訂

歙吳嗣衍校

詩部

七言律

排律附

立春日同葉化甫明府遊清源洞

亂山飛翠下桐城秀出靈源切太清千里平開



江蘇詩苑存稿 詩卷三  
江水盡十洲遙見海雲生洞天丹壑人間世春  
日椒花客子情乘興不須催候騎夜歸長傍佛  
燈明

寄舊令張公時以南儀郎使楚

雙旌猶憶出閩城幾度吳山入夢青宰邑尚傳  
清白吏及門曾問太玄經金陵未信淹郎署銀  
漢懸知返使星欲奏朱絃聊寄好臨風淒絕不  
堪聽

懷族兄江北山人

歸舟江上憶蒹葭搖落懷人歲事賒遠道空囊  
首作客暮雲孤影更思家燈前夜雨催新酒門  
外秋風掃落花清夢幾迴春草綠好將佳句寄  
天涯

新安旅懷兼別胡大

露白霜黃胡不歸愁看孤鳥暮雲飛故鄉遠海  
誰傳札寒館空山未授衣越客孤帆堪獨去楚  
天芳草與心違相逢又作匆匆別祗恐愁添兩  
鬢絲



五日聞歌採蓮感賦

到處愁聲入採蓮空傳湘水使人憐只今東海  
無寧歲幾度南風又隔年勝縷願成長命結靈  
符總爲辟兵懸亂餘佳節翻生感欲賦招魂思  
黯然

寇退鄉人回口占代書

城南烽火近何如留滯無從訊起居百里便同  
千里隔家書應比捷書疎清秋涕淚唯懷土白  
髮庭闈正倚閭欲寫愁心愁不盡憑君傳語到

吾廬

卽事爲戚元敬將軍賦二首

征南諸將似今稀千里霜風逐馬飛薄暮初聞  
來大纛崇朝已說破重圍上方正喜頒金劍故  
壘于今卸鐵衣餘寇祇須乘勝盡不空巢穴莫  
東歸

赤羽朝飛鼓角雄將軍追北遠臨戎夜旗遙拂  
雙旌影曉騎長嘶五馬風三捷不須弓月滿百  
城遙見陣雲空翻憐昔日干戈地戰骨縱橫瘡



海東

雙旌五馬  
吾邑山名

送延平游司寇公赴召

滄江回首望君門豈謂天閣虎豹蹲一自簡書  
來闕下幾年麟鳳起中原賜環已荅孤臣望補  
衮應酬 聖主恩遙想五雲今咫尺黑頭蒼佩  
拜彤軒

七夕淮陽別大司徒馬公

征鴻落葉不堪聞淮海維揚別使君此日賓朋  
非故國明朝羈旅又離羣登樓七夕看牛女載

酒三江賦水雲北去帝鄉應漸近誰憐游子向  
南分

壽南司馬豐城李公

東南節鉞羨輕裘元老何人更壯猷營列後猊  
皆猛士山迴龍虎壯神州曉風舞劍猿公下夜  
月吹笙鶴馭留初度喜看秋正半玉觥僊掌露  
華浮

送王將軍北征

帝省園陵幸薊城漁陽老將入屯營江南舊識



千牛勇塞北新傳五校名驃騎臨邊應破虜樓  
船橫海未銷兵將軍武庫元無敵百戰封侯報  
主身

送朱都閫北征兼訊都護戚公

將軍百戰海天東聞道天山好掛弓身作干城  
千里壯手持孤劍萬夫雄歸舟遠別閩南日去  
馬長嘶冀北風爲語故人新幕府何須魏絳事  
和戎

同王仲房宿塞外戍樓

灤河直北是烽烟天畔孤城落日懸砂磧萬重  
連塞外河流千疊遶關前征鴻歷歷催歸客疲  
馬蕭蕭逐暮年不道登樓能作賦古來獨有仲  
宣賢

同王仲房遊塞外贈別

憐君白首正悲秋萬里辭家出塞遊見道幕南  
空部落誰云朔北是邊州寒城野白驚刁斗衰  
草雲黃隱戍樓偏憶江東高臥處蒯緱寧爲故  
人留



王邦學詰 闕受秩督府南歸贈之

萬里從軍羨壯遊  
海天迢遞向神州  
上書直謁公車令  
奉檄仍從定遠侯  
白露孤征隨獨鴈  
滄江漂泊信扁舟  
歸心已作江南夢  
回首愁看薊北秋

酬林養素先生

弱冠明經四十餘  
漫隨計吏赴公車  
誰憐駿骨懸高價  
不見金臺只故墟  
此日貂裘同季子  
何年狗監薦相如  
悲歌燕市相逢日  
肯咲狂生劔

術疎

登太白樓下有南池云杜陵舊遊

池南猶憶少陵遊  
城上高登太白樓  
鳧繹雙峰遙北向  
青徐百道竝東流  
何鄉地主權能盡  
到處天涯興未休  
却笑季真狂醉後  
尚留風景似糟丘

重過采石懷古

西江牛渚疑天漢  
秋夜乘流幾度過  
三楚獨多彭蠡客  
五湖遙引洞庭波  
燃犀故地來漁火  
咏



史遺風入棹歌惆悵當年懷古處精靈千古更如何

阻風瓜步

瓜步空洲日半沈寒鴉歸影倒斜陰溪雲山雨來何急楓葉蘆花落不禁隔浦忽聞吳客咏孤舟誰發越人吟却憐無盡清秋興江水聊爲寄此心

過釣臺

今夜何人是客星扁舟猶向富春行逢來漁父

誰堪問着去羊裘爾獨名山坼雙臺沿瀨轉江迴七里聽潮生千秋灘下清如玉我欲臨流更濯纓

同金都閫登鼓山因其有懷次韻二首

憑高覽勝重徘徊芳巔孤峰逼漢開海市東連徐福島郡城西抱越王臺何時寶地無僧住此日清尊有客來指顧江山經百戰頻年烽火正堪哀

懸蘿石蹬白雲隈與客登臨首重回鼙鼓欲傾



遊子淚關山何處望鄉臺孤帆殘照龍江暮衰  
草黃雲雉堞迴一自將軍勞節鉞寒城吹角不  
須哀

芋江戚都護席次別汪中丞伯玉先生

江上秋風起夕波蒹葭極目海天多深林車騎  
邀賓入隔浦樓船載酒過寶劔正堪乘醉舞朱  
絃漫自促離歌論功還賜中山篋海宇何時可  
息戈

之金陵至建州寄懷諸子

客子孤裝向秣陵好懷無處不登臨青山已動  
高人思碧水長流去國心劔浦春星辭淺瀨建  
溪夜雨宿荒林半生漂泊應如此何處因風寄  
好音

薊丘登高寄訊戚元敬都護兼呈盧龍漁

陽二部刺史

九日登臨興轉豪寒林蕭瑟起秋濤佩囊偏喜  
多三老落帽寧愁半二毛碣石東來關樹直盤  
山西望塞雲高不堪對酒生惆悵千里懷人首



重搔

重陽前舟次別譚永明山人歸羅浮約會

都門

狂客悲秋老更狂故人况復舉離觴露飛砌冷  
蟲聲苦日落江空鴈影長五嶺獨歸愁歲暮三  
山誰與共重陽相期買酒同燕市閩越何須嘆  
一方

移家歸至馬江

鄉園喪亂客閩州滿地干戈夢寐愁虎嶺幾年

成畏渡馬江何日得安流海門未斷春秋汎澤  
國猶驚日夜浮那得移家卽高枕不須風雨滯  
扁舟

先子忌辰感懷黃眉山墳

他鄉愁上望鄉臺灑淚無由寄一杯風木有聲  
空入夢松楸何處不生哀故山月落黃眉冷親  
舍雲高白髮催遊子傷心家萬里塞鴻天際首  
重回

吾宗



劇嘆吾宗有敝廬年來兵燹亦無餘山川滿目  
皆營壘戎馬何人畏簡書十室寡嫠聞野哭百  
年荒塚只丘墟洗兵海國期難定灑淚長吟憶  
故居

寧德重陷志感

鼙鼓頻年客夢驚又聞羣盜陷孤城愁人掩淚  
看烽火野老吞聲問死生羽檄幾迴馳節鎮牙  
璋尚爾滯專征書生孤憤思長劔一洗秋江萬  
里清

送馮節推赴召

羨爾將稱獻納臣徵書初下覲楓宸南天秋色  
分帆影北闕晴雲接佩塵咫尺幾回依雉尾封  
章何日動龍鱗不妨故老滄江曲長駕扁舟理  
釣綸

塗中丞南征

六月漳南洗甲兵九龍江北駐行營彤弓欲挂  
扶桑近白組偏依側荔明何日三山還重鎮幾  
年四海倚長城願標銅柱銷氛祲更見雲臺勒



姓名

訊俞都護獄中

浪傳六月有飛霜未見金雞出尚方豐獄有誰  
占劔起漢庭空自嘆弓藏樓船遠海真何賴輦  
鼓邊亭正可傷國士憐君憐欲死書成幾度泣  
鄒陽

七夕寄懷二首

美人遙隔越江鄉良夜迢迢滯一方僊客如過  
牛渚曲天孫宛在鵲橋傍共嗟遲暮連瑤席忽

悵離居洒錦裳愁絕所思爲憶汝不堪歲月永  
相望

誰憐漂泊還爲客高臥懷人在草堂漠漠天津  
應可渡悠悠雲漢竟無梁秋河欲曙天初淨零  
露垂空夜未央此夕驚心看落月幾回清夢詎  
能忘

重陽志喜

故園征戰秋風暮海上全師計日班絕島潮回  
如箭落空江城抱似弓環已無白羽頻驚夢正



有黃花好破顏戲馬登臺還對酒喜看氛祲淨  
閩關

秋初登京邸

秋來蟋蟀入西堂出戶三星倚屋梁高閣偶然  
成眺望征鴻何事却孤翔越人草賦憐歸客楚  
水離絃憶故鄉搔首愁心應不盡誰堪搖落聽  
清商

登金山讀唐詩漫題

有客維舟作勝遊空江泱泱正清秋誰移牛渚

支機石獨障鯨波倒海流鐵甕地啣蟠北固金  
陵天塹控南州千年風雅留佳句吊古憑虛漫  
倚樓

登聊城光岳樓

傑閣層欄瞰大荒野烟晴樹晚蒼蒼雲中泰岱  
遙明滅海上蓬壺更淼茫燕騎千羣閑虎豹齊  
城萬雉壯金湯功成一矢當年事感慨臨高欲  
醉狂

績溪別胡四



憑君杖屨訪山靈回首家山憶幔亭徙倚每依  
秋澗白行歌遙對曉峯青一杯何處堪乘興九  
日無人問獨醒末路愁心還惜別欲將吾道寄  
滄溟

度績溪暈嶺望鄉

疊嶺層巒逼漢齊天涯客路幾攀躋溪陰連壁  
如帆出木杪孤關似鳥栖曉色衝人嵐靄重危  
峯立馬瘴雲低思鄉正是清秋候極目空林日  
又西

中秋涇縣

宛溪驛路向涇溪日暮千山鳥盡栖祗見征蓬  
天際亂那堪孤客望中迷臨風對酒秋聞鴈看  
月思家夜聽雞游子長途逢勝賞故園書札若  
爲題

旌德曉行

旌陽舊路草蕭森晴旭初開散早陰樹底曉雲  
收宿徑溪邊清靄逗前林偏當搖落聞花氣更  
爲間關識鳥音三輔客愁銷不盡好懷惟有一



登臨

同莆陽陳生登報恩寺塔賦贈

相逢偶在秦淮曲幾度清尊對素秋日暮同登  
孤塔望天空遙見大江流前朝烟雨堪乘興故  
國星霜動旅愁羨爾雄才能作賦翩翩長向帝  
城遊

送族兄之杭州

文藻如兄羨巨家放情樗散是生涯壯懷千里  
憑遊屐遠興三秋泛客槎延水夜寒看劔氣孤

山春早問梅花登臨正有南歸鴈莫忘山中尺  
素賒

同陳汝大過王汝存飲得金字

白社逢人愜素心經過王子冶城陰呼來太白  
將沉醉奏到綺蘭自好音不少風流驚四座更  
多然諾重千金他時問字知何處遲爾孤舟雪  
夜尋

謁忠烈祠分咏四首

宋室遺忠事可憐傷心猶憶景炎年丘墟故社



游魂在桑梓餘陰奕葉傳義貫河山關氣運風  
清朔漠掃腥羶千秋俎豆羞蘋藻廟貌崇褒共  
儼然

皇明新廟

百年胡運逐旌旗慟哭中原此一時虜騎南驅  
亡有日神龍北狩返無期那堪地喪閩將盡不  
分天崩浙莫支父老哀哀千古恨勤王猶憶海  
邊師

亡宋故家

寒齋高士二孤山却憶空齋老閉關主辱胡塵  
生共耻天傾國步死多艱黃泉有血游燐泣白

刃無情大夢閑笑殺朱門兒女輩爲誰臣妾好

羞顏

元妹競烈

東劉不羨五陵豪世館喬林閎閱高家起監丞  
匡社稷闡推撫使擁旌旄喪師板蕩心猶壯亡  
命株連節獨操故劔雌雄相失後夜臺雙貫斗  
牛號

夫婦殉節

送韓大行奉使冊封因歸壽母

漢家建節羨相如錦服還家慰倚閭秋月遙開  
王母燕寒星高照使君車暫留梓里稱湯沐重



謁楓宸報簡書定有賢勞恩冊下奉親何必賦  
閑居

逢越客自武夷游燕賦贈

憐爾仙才自不群翩翩遙問武夷君相過逆旅  
當寒夕同飲高臺倚暮雲粵嶺南來孤劍合閩  
關西去片帆分重逢燕市悲歌客擊筑還須醉  
裡聞

鎮東城樓觀海述懷

海上孤城似塞垣樓前縱目倍驚魂峽吞決瀉

盤江塹岸擁樓船控海門未使妖氛空絕島肯  
教烽火滿平原當年猛士今何在狂客悲歌不  
可論

塞上憶瑞岩寄置山庄

一別靈巖已十秋登臨誰復憶風流種田山下  
宜供酒垂釣江干好放舟遙望烟霞環絕島斜  
穿林木帶平丘名區况近幽棲地小結衡茅作  
勝游

登延平玉皇閣眺郡城



海嶽山房存稿 詩卷三  
七閩形勝壯珠宮秦郡初開此獨雄劍氣夜衝  
牛斗域仙源遙接武夷宮山圍千疊連城北溪  
遶雙流合浦東高閣憑虛舒遠目一聲笙鶴紫  
霄空

寄壽戚元敬少保于蓬萊

冠軍少小事疆場休沐歸來六十強尚父渭川  
饒歲月仙翁海屋卽家鄉晴開蘭徑新蓬閣高  
臥芝園舊草堂好向東山朝北斗稱觥先拜萬  
年觴

張都護還朝

由來天府壯神京殊勝秦中百二城漠北賢王  
休轉戰關西老將蚤知兵羽林風急金笳動緹  
騎塵飛玉劍橫最喜東山歸綉袞坐看輦轂日  
昇平

送葉國羽侍任山東

青齊綉斧倚雲霞公子翩翩玉樹華門列瀛洲  
新甲第庭趨闕里舊通家風塵回首憐孤劍雨  
雪關心憶暮笳獨有故人龍塞上淹留未返斗



牛槎

永平郡守孫公覲回五十初度公由南臺

出守

東方千騎駕驄來平北春晴海岱開百歲懸弧  
三月度五旬舞袖九天回踏歌風和盧龍塞起  
色雲蒸碣石臺洞府仙曹懽此日飛觴何處覓  
蓬萊

李山人入都聞子訃歸粵

逢君初下薊門車忽動驪歌返故廬自是鍾情

當我輩何期把臂卽離居西河月冷腸空斷南  
國霜飛鬢已疎垂老尚須婚嫁畢何時五嶽訪  
遺書

送江大夫左遷鄖陽丞

初春遙送使君車白雪寒光照彩旗雲夢雄風  
生七澤江潭騷賦動三閭倘逢倒幘名流在應  
笑沉碑往事踈乘興試登南岳望古來多少謫  
仙居

中秋同顧季狂沈嘉則飲武夷掛鏡臺



九曲清溪一掉回，拍浮問月共傾杯。  
幔亭漂渺今何夕，寶鏡微茫舊有臺。  
野鹿猶驚仙蛻在，乾魚空遣使臣來。  
數聲鈇遂中宵過，疑是羣仙控鶴迴。

題東岡葡萄畝壽張都護

東山別墅掛葡萄，西域何須漢使勞。  
萬顆水晶風味貴，一簾冰乳月華高。  
玄珠簌簌垂牙帳，寶樹齊齊映錦袍。  
最羨上林分雨露，元戎休沐醉醇醪。

寄陳本中將軍

海上威名塞上聞，當年常冠伏波軍。  
曾清日本鯨鯢窟，更獵天驕虎豹羣。  
歲餉千郊連轉轂，春農萬竈散耕耘。  
金城自有休兵略，何論疆場百戰勲。

蓮心館卽事柬陳季立二首

柳營開閣似平津，列館環橋倚水濱。  
笑我幾年玄草舊，逢君半世白頭新。  
清泉自足供仙客，醴酒何須問主人。  
露下芙蓉嬌欲放，亭亭秋色出



風塵

閩嶺燕關萬里賒西風作客倍思家連城漢戍  
高秋析近塞胡兒薄暮笳野史豈堪藏石室衰  
顏未得駐丹砂持竿好着羊裘去到處滄洲問  
釣槎

陳季立林大捷出塞二首

元戎推轂五陵豪擁節臨邊屬爾曹揖客幕中  
分虎竹材官麾下出龍韜檄飛紫塞王庭遠陣  
抱黃酋 帝闕高于役不須歌雨雪春寒同賜

漢宮袍

登臺猛士集如雲偏爾能空冀北群共喜散金  
爭結客相逢說劍樂從軍橫行不獨清沙漠轉  
戰還堪靖海氛何日羽書關塞少凱歌蚤報  
聖明君

初歸携子姪登高瑞巖

重陽歲歲悲爲客此日登高喜故鄉青眼好看  
黃酒綠白頭須插菊花黃閑同稚子經丹壑倦  
引山翁臥石床却憶蹉跎關塞上高風搖落正



淒涼

東馬季聲追憶先師恭敏公

龍門最喜是通家况復青衿侍絳紗一自斯文  
歸地下却將吾道寄天涯貧因作客憐孤劍病  
為雕蟲蠹五車見說童烏玄草就可無竒字示  
侯芭

悼馬用昭叔華兼訊其二孤

何知客歲在龍蛇珠樹先摧倍嘆嗟別去青春  
人世改歸來白首客情賒青萍已化雙龍氣彩

筆猶存五色花感舊不堪頻涕淚空庭衰草惜  
年華

燕子磯

燕子危磯俯急灘石城遙望轉林巒鼃鼃深避  
龍門險烏鵲高驚鳥道難雲影過江秋葉亂風  
聲入戶夜砧殘蕭森無限游人思獨倚飛湍百  
尺欄

薊部刺史于子冲游宛在亭以予寓纂燕  
乘枉詩却寄



萬里飛鴻幾度秋故人叢桂尚淹留  
名山咫尺書應託刺史風流札未投  
何事干旄先北道若爲空谷下南州  
開緘照乘迴星斗宛在虛亭步月游

歸舍荅沈縉伯贈別之作

倦客茗溪萬事賒歸來猶憶隱侯家  
僕夫在戶知心苦稚子迎門笑髻華  
四海交游新世誼百年歸計舊生涯  
故人遠道遙相憶何日重乘博望槎

送薛國子寧親其先大叅嘗爲中舍

登高何處望江關九日燕臺送子還  
雙闕帝城清漢上三山親舍白雲間  
霜前鴻雁催人別門外驪歌動客顏  
帝苑重來須計日鳳毛仍綴紫宸班

送楊節推之武昌

薊門殘色暮春初尊酒垂楊送使車  
司李今持三尺法下帷昔受五車書  
孟嘉在郡名偏重庾亮登樓興有餘  
江漢風流宜佐吏好音應寄武



昌魚

邢都闡自薊移中州余時亦南還

將軍結綬綰金章節鉞初移到洛陽報母一坏  
登隴上荅君三尺許疆場別時雨雪憐同旅到  
日風霜悵異鄉塞北江南遙寄憶片鴻長爲故  
人翔

楊彥章年十七自國學寧親其先大夫領  
鄉元爲博士因其歸有感

臨雍奏賦擅雄名不羨終軍入漢京高第家承  
秦博士明經世是魯諸生秋江解纜孤帆遠春  
日稱觴彩服輕偏我未歸千里駕升堂好慰倚  
閭情

自清源逢劉甥聞荐同舟至震澤先歸省  
覲附家報

霜落高秋事遠行望雲猶慰綵衣情起居子舍  
稱觴日宛轉慈闈絡緯聲高樹啼烏林月曉北  
堂萱草嶺雲晴故鄉忍作他鄉別爲寄平安到  
越城



別張去華歸雲間覲母志感

偶爾天涯得比鄰，相過杯酒日情親。  
忘年敢附青雲士，遠夢惟思白髮人。  
叢桂小山懷舊業，一竿大海放閑身。  
倦遊我亦歌招隱，兩地懷人欲問津。

葉龍潭夫子引林宗見嗟奉謝

吾宗異代有名賢，慨想逢君却自憐。  
受業已歸南國夢，移文誰訝北山篇。  
春風坐散三千士，歲月空驚二十年。  
白首角巾腰未折，龍門忝作李膺仙。

舟仙

寶坻朝霞寺陪餞沈性甫赴召歸過高叅

軍山庄

梵宇晴開碧殿紗，嵐烟初捲浥朝霞。  
尊傾北海停仙馭，榻下南州借佛家。  
九日故人天漢上，十年遊子水雲涯。  
歸途惆悵山庄晚，回首風霜滿鬢華。

到舍志喜寄荅諸沈贈別之作

五湖游子怨藤蕪，况自淹留出上都。  
亭艸堪供



千醬醜家雛偏得二童烏青山浪跡余歸越白  
社心知爾在吳遲暮不堪羞短髮漁樵生計未  
全迂

城樓觀漲

霖雨忽聞江水漲初晴遠眺越城樓龍津正值  
雙鐔躍鰲項將因一釣收欸乃遙聽彭蠡曲滌  
洄疑望洞庭舟波搖雲漢杯心落日照冰夷鏡  
面浮鳴鶴于飛陰入戶芄狐爰處濕經丘三秋  
禾稼衝潮沒兩岸茅茨夾汝流桑梓微茫青幾

點蓬蒿漂亂白於漚仍憐魚鱉應相吊未信鯨  
鯢不自愁倒峽憑誰標砥柱紀災誰復筆春秋  
何人更有愚公訣今日須煩神禹謀西負烏山  
填碧海東迴馬瀆到滄洲



海嶽山房存稿卷四目錄

詩部

五言絕句八首

宿瑞岩

瑞岩訪客

贈林閩州明府

內弟南歸

長干詞二首

相思曲二



海嶽山房存稿 詩卷四  
七言絕句四十六首

過凌敲臺

游牛首二首

故人阻風京口却寄

廣陵懷古

東山

石尤嶺

武夷八首

感事

無題

贈穆生

送李判官北征

贈人從軍歸

塗中丞南征凱歌八首

送黃四山人二首

贈陳丁子二首

回至真州大水

壽沈巽洲封君時伯子卿光祿季子拜夕



詩卷四  
郎還里二首

壽沈性甫給舍初度後其封君一旬二首

沈謙甫舉四郎二首

題定陽徐母樊太君表貞卷

雨中讀周澹叟詩二首

酬宗侯孔陽兼憶天目徐先師二首

依隱亭爲竹隱王孫賦

海嶽山房存稿詩部卷四

福唐郭造卿建初著

穀城于慎行無垢選

同邑葉向高進卿訂

男應寵校輯

詩部

五言絕句

宿瑞岩

古洞寒光霽虛堂夜氣清淨心叅寶偈分得聖



燈明

瑞岩訪客

野客知何處山僧不可尋  
岩頭青草沒洞口白雲深

贈林閩洲明府

吏隱偏違世家居更避人  
誰言生事薄賣藥未全貧

內弟南歸

久客無鄉信君歸索寄書  
旅情君自見不寄却

何如

長干詞二首

妾只長干人識船不識路  
當門是津處郎去不敢渡

獨有門外水能通江上潮  
妾心隨郎去日繫木蘭橈

相思曲二首

郎行無定在寄書不知處  
昨夜夢中歸問郎住何許



不知郎憶妾何如妾憶郎妾本結髮人郎豈忘  
糟糠

七言絕句

過凌敲臺

宋祖凌敲何處臺獨過山下一徘徊不須更向  
山頭望滿目離宮是草萊

游牛首二首

憑虛弔古事堪哀曾見梁皇輦道來惆悵當年  
因底事臺城不築捨身臺

六代荒涼問老僧獨留勝槩幾回登竇陰時鼓  
空中爨塔影長懸座上燈

故人阻風京口却寄

輕舟邗水我先過回首三山阻嘯歌京口石尤  
偏作橫行人愁殺望風波

廣陵懷古

魏文皇帝廣陵師江上觀濤馬上詩日月雙旌  
迴虎旅山川百里擁龍旗

東山



謝公別墅有東山江左風流盡此間紅粉青娥  
何處是野花芳草水雲閑

度石尤嶺

此嶺誰將喚石尤行行嶺首向江愁暮潮昨夜  
衝流急幾度石尤風打頭

武夷八首

紫霞作帶荔爲裳無數山花靚曉粧細雨鬢絲  
愁漠漠尚留清影鏡臺傍

右玉女  
峰鏡臺

溪流清淺似蓬萊玉女猶傳鏡有臺粧罷却憐

溪影照行雲先到幔亭回

右玉女峰  
鏡臺幔亭

縹緲層臺積翠間君王含笑盼朱顏應傾絕塞

燕支色何事兜鑿出漢關

右大王玉  
女兜鑿峰

危梯萬丈俯崔嵬鳥道千迴最上臺我欲凌風

看下界一枝玉筍接蓬萊

右接筍峯

虹橋飛板插雲懸更有仙舟閣洞天何日泛舟

右虹橋板

橋下過客星先犯斗牛邊

瀑布遙空下碧塘洞天初浴試霓裳至今玉掌

右仙浴塘

留丹壑却笑金莖誤漢皇



鶴鳴岩前宴列仙翩翩環佩入蒼烟瓊筵未半  
天雞唱客散虹橋欲曙天

右雞鳴洞

大隱何須向此間垂蘿千仞絕躋攀石屏虛敞  
無門洞疑是高人久閉關

右大隱屏

### 感事

烏衣朱雀名空在巷北橋南異昔時莫問青青  
張緒柳新亭風物已堪悲

### 無題

江上春山十二峰美人占斷玉芙蓉峰頭日日

生雲雨環佩空疑夢裏逢

### 贈穆生

主人斗酒對黃花客醉相將臥曉霞亭午出門  
無一事與君同過穆生家

### 送李判官北征

喜聞閩海罷樓船羽檄還飛五嶺烟大將南征  
君北去何時金印肘間懸

### 贈人從軍歸

征南將士束戎裝俠客悲歌返故鄉曾過延津



海嶺山房存稿 詩卷四  
占寶氣尚存孤劔凜秋霜

塗中丞南征凱歌八首

年來粵寇似天驕絕島憑陵不可招莫道漢家  
臨瀚海冠軍獨有霍嫖姚

少年杖策已談兵俠客皆聞劔術驚陣捲風雲  
懸大纛天連滄海作長城

六月漳南大將壇招搖高映惠文冠腰間不帶  
雙龍劔白日青霜馬上寒

閩南天險是銅山銅柱應標作漢關橫海戈船

齊下瀨不教羣醜更生還

城頭高觀築封鯨大將餘皇鼓角鳴十萬水犀  
都洗劔血腥猶染海西營

將軍猿臂慣穿楊甲士虬髯挽弩強組練夜明  
江水白旌旗朝捲陣雲黃

中丞推轂不辭勞尊俎郊迎解戰袍南國十旬  
清虎穴東方千騎識龍韜

嶺海征蠻俞大夫漁陽老將飽陰符遙承節制  
從天下月照營門夜獻俘



送黃四山人二首

閩海翩翩結客游  
山人杖屨滿滄洲  
不愁客鬢如霜雪  
更欲乘槎問斗牛

武夷西去度閩關  
已過千山與萬山  
若到崑崙山似織  
不知何日可東還

贈陳丁子二首

高臥衡門好著書  
倦雲幽鳥意何如  
閑隨綠野看黃犢  
興到滄江釣白魚

青山白首幾如君  
獨鶴翩翩迴不羣  
生事一杯

君醉也遠心都付海天雲

回至真州大水

真州回首望揚州  
隔岸低簷近水樓  
秋漲夜來添幾尺  
滿河楓葉客帆流

壽沈巽洲封君時伯子卿光祿季子拜夕

郎還里二首

烏程美酒瀉醍醐  
瑣閣稱觴出上都  
餘液更分光祿署  
鶴書將下五雲扶

下菰城下歲星高  
若雪爲池駕六鰲  
七十九秋



開壽域百千萬葉有蟠桃

壽沈性甫給舍初度後其封君一旬二首

洞庭山接五湖雲僊客驅車白鹿羣海上頻來  
青鳥使大馮君與小馮君

君家兄弟共持螯五宅相過半二毛偏有酒豪  
年最少新披春殿赤霜袍

沈謙甫舉四郎二首

絳闕瓊樓次第開慶雲長傍斗南迴堦前寶樹  
枝枝秀天遣麒麟四度來

此日華堂試酒卮又占頭角識英姿君家丹穴  
多奇彩不數當年浴鳳池

題定陽徐母樊太君表貞卷二首

節母音徽本樊姬高門桑梓綠陰垂春秋俎豆  
羨墻見彤管千年照素絲

黃鶴雙雛入彩霞蓼莪開卷動悲嗟流黃機在  
虛堂冷繞樹寒霜泣暮鴉

雨中讀周澹叟詩二首

春來好雨欲催詩幾度花期負酒卮今日花開



詩興動看花對酒雨來時

山色江流分外奇清新幻出百篇詩只今絕調  
誰憐汝流水高山祇自知

酬宗侯孔陽兼憶天目徐先師二首

當年倚劍氣橫秋此別徐君涕泗流匣底雙龍  
今落莫一生肝膽向誰投

千里江關欲問津南州下榻更何人紉蘭楚水  
思公子芳草洲前幾度春

依隱亭爲竹隱王孫賦

千畝篔簹一徑幽王孫不數晉風流自從高節  
標青簡滿目雲谿羨醉侯



海嶽山房存稿詩卷五目錄

賦部

愍貞賦 有序

夕蛾賦

賦為詩彙之文而別于文以韻耳宋赤壁諸賦不為法也其韻學難言有今古之別吳才老所謂叶者即古韻而彼不知也後不論今古強以它韻成篇即皆以為叶誤矣楊用修業已辨之予也不



海嶽山房存稿 詩卷五  
敏寧質而從古歟少嘗爲愍貞賦悲其  
姱修徇烈有靈均之則焉援楚夢以哀  
之雖無當于騷不忍捐也近游塞上次  
曹家寨暑夜露坐感夕蛾赴燈復慨而  
賦因正數韻而謬書所見合爲一卷存  
之覽者將無嗤余之效顰而太古乎庚  
辰季夏建初父識

海嶽山房存稿詩卷五

福唐郭造卿建初著

穀城于慎行無垢選

同邑葉向高進卿訂

男應時校輯

賦部

愍貞賦

有序

貞烈何氏淑靜者太康諸生劉用九妻  
也劉生疾不可起何卽矢以相從視舍



輒以所御巾紈納生袖中呼曰待我待  
我尊章戚屬持之萬端不能奪自經者  
屢矣姑與伯姊覺而解之不得死水漿  
不入口者旬餘竟乘間以白練雉死柩  
傍也死前出所繡枕有竝秀雙清句示  
侍兒曰此吾志也今堪獨秀而孤清耶  
取嫁衣時火之爍若蓮花狀死後塚上  
芥高丈許隴麥盡一本二穗且有二百  
八十穗一本者吁嗟異哉其斯奇節所

繇徵矣余業已爲之傳茲復賦以愍之  
而序其略

嗟彼靈丘兮唯嵩與嶽嗟彼汎瀾兮唯瀍與洛  
有婉其女兮出潁川之閭閱稟奩度而旖旎兮  
儼春洲之麗夢憶在昔之綽約兮日脩潔而處  
幽承芳徽之夙邁兮思古人之無訖將儀特于  
髡髦兮紉芳芷與杜蘅宛內美之衽袂兮顧淑  
靜之佳名懷琬琰以爲心兮呈珪璋以爲容纒  
蘭茝而作佩兮珥延喜而爲琬將采儷於寒修



今宜占之於靈氛謂兩美之必合兮奚著蔡之  
足云蓋大人之與舅兮結交之素也締盟而世  
好兮唯婚姻之故也爰納采以成禮兮因媒氏  
以相聞迨及笄而結禱兮乃歸字于夫君嘉夫  
君之德音兮采衆芳於嘉樹鳳鳴鏘鏘兮將迴  
翔于雲路憫天孫之靈匹兮怨別離于漢渚何  
嫵婉之如此兮將瑟瑟琴而日御爰蘋藻之爲蠲  
兮菽水之爲豫方七稔之薦歡兮若不知其何  
底雖日月之道盡兮期百歲而同死匪夫君之

不辰兮實妾命之多薄羗薜英之曄曄兮不崇  
朝而殞落至不可藥而代之兮後雖九死而莫  
贖感成說於古人兮追前修之芳躅敢素心以  
白行兮願偕逝而同穴惟久信于一言兮不須  
矢之以皎月哀夫君之飲泣兮謂不將乎父母  
也鮮兄弟以終養兮余可以無死也妾雖備於  
中饋兮幸不勞乎井臼惟舅姑之方將兮而尚  
可以圖後嗟夫君之謝妾兮乃彌留而強作謂  
待此以瞑目兮敢不薦之于棺槨故且泣而且



止兮若束裝以遠將耿余衷之不渝兮何綿繡  
乎相防忍夫君之先我兮睠昔日之懷袖納巾  
紈而執手兮木將與之而俱就不頓絕而復甦  
兮求白刃之弗獲惟此心之好媵兮取乎縞素  
之爲白皎潔而徽柔兮輕盈不踰乎咫尺翳繫  
妾之綱常兮視之重于金石甘匹婦之爲諒兮  
魂恍惚而相持姑何爲而余解兮若綴旒而益  
悲舅氏之哀憤兮意妾不以古而自矢彼共姜  
之咏栢舟兮爲不諒乎人只或斷指截髮或割

鼻髣耳彼淑媛之遺則兮亦堅貞而後死妾聞  
言而侘傺兮重結軫而迴腸昔之黽勉爲婦兮  
期少君之與孟光豈妾之展無隼詬兮荷舅姑  
之是滅幸割愛而加餐兮乘春秋之未晚啓雲  
初之嗣續兮俾逝者之有焜曾一言之許九京  
兮今尚敢稱乎未亡令舅姑之我憐兮雖溘死  
而永傷縱微軀之圖存兮曷禪于高堂水背流  
而自竭兮木反根而不長願蚤賜畢此生兮方  
知善懷之有行羗不得問于左右兮空引練而



自決姑慰藉而乘噉兮取水漿而薄啜昔六日  
之不詹兮思予美而惓惓豈亡此之多日兮能  
展轉而獨寢魂眈眈而無歸兮悲古人之賦乎  
角枕曾粲之以女紅兮因之以寄乎余情惟松  
筠之交柯兮梅月之晶瑩示左右以夙志兮豈  
獨甘乎煢煢何芳蓀之潛穎兮謂夫孤清而獨  
秀乃逾見乎修姱兮豈知妾心之孔疚冀速奄  
于寢廟兮適伯姊之覺余復憫憫而于悒兮如  
嬋媛之女頽痛垂白之諸姑兮以靜慤而寡儔

涕漸漸而讓余兮不如彼之好修豈知孤妾無  
依兮奚襁褓之可望因許死于夫君兮曾待此  
以屬纊志怛怛以迅直兮心煩懣而懣懣衆女  
之不吾周兮故婉辭而從容伊人之爲高士兮  
亦詫異而唁余謂不耽乎青陽兮而清節之是  
娛念父母之北征兮願少母死于須臾豈捐罔  
極于千里兮而弁髦其遺軀但儵忽而覬覦兮  
徒替亂而歛歔憶余家之彤管兮有殉義之媵  
烈大人昭躋之而涕洟兮謂與古之女而並列



今妾之獲死所今諒不以爲無庸而慘結知儻  
徊之何益今早已捐乎佩玦故臨別之泣血今  
歷鳴此而永訣但羈愁于萬里今願妾計之遲  
遲求善使以慰其心今勿因嗤女子而重嗟咨  
昔叔伯之不予忍今曾滄瀾浚而言此惟弱魄  
之含穉今無以他人而入我處若夫東廓之旁  
兮大人舅氏之宿遊願幽魂雙棲今寄孝思于  
荒丘昔自母氏之敬戒今襦袷之有常惟余性  
之慧傲今將集芙蓉以爲裳貫藕絲以爲帶今

組荷葉以爲囊取同心以竝蒂今不獨艷而孤  
香鮮織手之未就今實余心之所藏哀衾裯之  
不復御今豈服之而無斃也取炎火而秉畀之  
今恨不夫君而同薶澤也何茲之亦靈今宛芙  
蓉之秀發榮之始如夜光今而輝之揚于秋月  
觀之驚恠今疑妾魂之超忽庶見跡而知心今  
許妾同灰以俱沒妾雖沒而豈徒今將與古而  
齊芳同鑿柎于二女今合矩矱于貞姜彼貞姜  
之漸臺今特符命之不至舜南巡而野死今伊



二女之遠寄矧信誓之旦旦兮死不越乎閨壺  
幸首丘之可從兮胡不溘然與偕殞嚙今之不  
先朝露兮恐白日之婉婉咏黃鵠之獨宿兮嗟  
魯女其何求如衛女之冢上兮化二雉以夷猶  
壹志之各有當兮自古人而固然奈妾志之獨  
異兮亦受命之不遷故絪結而蹇產兮不可解  
而釋之宜彼其之不知兮鞶羈而迫阨之人之  
輕生于鴻毛兮亦臨穴而惴慄乃入淵而援手  
兮惟恐淪胥之不疾真視死之如飴兮故竟輟

乎水漿雖憺憺以恬愉兮自有瓊糜以爲糧神  
罔兩而無舍兮形枯槁而將亡菟杳窅不可招  
兮空筮告乎巫陽爰永辭于白練兮不離夫君  
之旁

嘆曰女人之貞百家之宗兮美人之貞丈夫之  
風兮辭且婉婉諶雍容兮銷鑠而竟殞若芙蓉  
兮芥生冢上其高踰咫兮丘園之麥兩穗藟藟  
兮且有二百八十而共一本兮獨秀于冢上何  
其有苑兮猗嗟貞人羗獨無異兮風本攸植是



以瑞兮

夕蛾賦

余旅游於塞投野寺而托宿謂暗室之偏隘乃  
露處而秉燭二三童子若駮若服時維仲夏百  
物繁生唯塊圯之潛動與圓槩之賦形若絡緯  
之夜織若熠燿之宵征若蛙部之鼓吹若蚊陣  
之軍聲蚓竅初啓鶴棲復驚彼淒清而嘹唳皆  
助余之苦吟蕞爾飛蟲曷來繩繩短喙燦粉巨  
翅搖金條多條少或夥或零有知無知有情無

情豈暗投之弗白及覆照之未明乎借輝以叢  
集徑如燬而迴縈非上下之火鼠及往來之青  
蠅焔焔所燎薨薨而傾余將以爲無幸少間鼓  
翅而復升又以爲焦爍之不可當必遠向茵木  
而自藏尋復振羽何異探湯微者或一再而繚  
繞鉅者則旋轉而徬徨胥糜爛于塵戰不知曾  
爲燎之所戕盡爾族黨至巳斯亡俄頃瞬息折  
聖無光浮盆盂爲鼎鑊沈膏脂于豆觴寧趨熱  
而速斃不就涼而延長豈薰之有馥而煨之爲



芳甘蹈火而俱焚以篝燈爲崑岡嗟物之外蔽  
故昧死以趨炎乃人之內熱孰不如彼之熸熸  
嗜義易厭嗜利彌堅或因難而止或中道而遷  
奉首幸免蔑理苟全方寸之慾勝則七尺其何  
慳旦夕之謀遂則百歲其可捐貿貿汨汨蟲何  
辨焉故有感于物物用告乎元元惟隨日月之  
照臨而保天年于自然

海嶽山房存稿卷五終